

OPERATION FAOLIYATI

10. Xo‘jalik yurituvchi sub’yektning operasion faoliyati natijasida vujudga keladigan pul oqimi hajmi xo‘jalik yurituvchi sub’yekt amalga oshiradigan operasion faoliyati natijasida olinadigan pul oqimlari harakati ssudalarni to‘lash, xo‘jalik yurituvchi sub’yektning ishlab chiqarish quvvatlarini saqlab turish, dividendlarni to‘lash va moliyalashtirishning tashqi manbalariga murojaat qilinmay yangi investisiyalar uchun qanchalik yetarli ekanini aks ettiruvchi asosiy ko‘rsatkich hisoblanadi. Operasion faoliyatidan keladigan oldingi pul oqimining ayrim qismlari to‘g‘risidagi axborotdan operasion faoliyatidan bo‘lajak pul oqimlarini prognoz qilish uchun axborotning boshqa turlaridan qo‘shib foydalanish mumkin bo‘ladi.

11. Operasion faoliyatidan pul oqimi xo‘jalik yurituvchi sub’yektning asosiy faoliyatidan kelib chiqadi. Odatda xo‘jalik yurituvchi sub’yektning asosiy faoliyati mahsulotni sotishga, ishlarni bajarishga yoki xizmat ko‘rsatishga qaratilgan bo‘ladi. Operasion faoliyatidan asosiy pul oqimiga quyidagilar kiradi:

11.1. Tovarlarni sotish va xizmat ko‘rsatishdan tushgan pul;

11.2. Royalti, badallar, vositachilik haqi va o‘zga yo‘llar bilan pul mablag‘lari tushumi;

11.3. Tovarlarni va xizmatlar uchun ularni yetkazib beruvchilarga pul to‘lovlari;

11.4. Xodimlarga va xodimlar nomidan to‘lovlar;

11.5. Sug‘urta kompaniyasining sug‘urta polislari bo‘yicha mukofotlari, talablari, yillik va o‘zga to‘lovlar bo‘yicha pul tushumlari va to‘lovlar;

11.6. Soliqlar bo'yicha pul to'lovlari yoki uning o'rnini bosuvchi to'lovlar, agar ular investisiya va moliya faoliyatiga taalluqli bo'lmasa;

11.7. Savdo yoki dilerlik maqsadlarida tuzilgan bitimlar bo'yicha pul tushumlari va to'lovlari;

11.8. Boshqalar.

Asosiy vositalar birliklarini sotish kabi ayrim operasion faoliyatlar bo'yicha foyda kelishi va zarar ko'rilishi mumkin, ular sof foyda yoki zarar qatoriga kiritiladi. Lekin bunday bitimlar bo'yicha pul oqimi investisiya faoliyatidan chiqadigan pul oqimlariga kiritiladi.

12. Korxona vositachilik yoki savdo maqsadlari uchun qimmatli qog'ozlar yoki ssuda olgan bo'lishi mumkin, bunday holatlarda ular qayta sotish uchun xarid qilingan tovar — moddiy zaxiralarga o'xshash bo'ladi.